

盧龍縣志卷二十一

藝術

文藝

後魏

衛冀隆遼西人官國子博士爲服氏之學上書難杜氏春秋六十三事

金

王元粹字子正初名元亮後止名粹平州人系出遼世衣冠家年十八九作詩便有高趣性習專固世事不以累其業故時輩無能當之者正大末用門資叙爲南陽酒官遭難流寓襄陽襄陽破隻身北歸寄食燕中遂爲黃冠師有十月風霜侵病骨數家鍼綫補殘衣之句親舊有憐其孤苦欲爲更娶者子正業已高舉主太極道院竟不能自返年四十餘癸卯九月病卒詩人淄川楊叔能輓之云匹婦主中饋雖貧生理存五言造平淡隻影臥黃昏謾下陳蕃榻虛沽文舉尊北平家世絕銜恨入荒原從弟鬱亦攻詩方之其兄蓋商周矣鬱字飛伯少日作樂府擬古別離有黃鶴樓高雲不飛鸚鵡洲寒

星已曙之句人多傳之其後入京師大爲李欽叔所稱與之詩云詩句嫵國風下者猶楚亂贈詩者甚多有云憶昔穎亭見飛伯恍若夢中逢李白又云紫脛仙人今淵雲騎風御氣七尺身又云良金原有價曰璧况無瑕又云王郎少年詩境新氣象慘澹含古春筆頭仙語復鬼語只有溫李無他人飛伯用是頗自貴重云

中州集案甘水仙源錄云恕齋先生姓王氏名粹字子正北平巨族

也才高學瞻少有詩名每一詠出膾炙人口然與世疎闊不事舉業正大間游游鄴下漂泊江漢間甲午還燕遇真常大宗師即北面事之執弟子禮居長春宮之萃系堂年四十餘以癸卯九月無疾而逝不洩旬而見夢於誠明張君其云爲歎曲不異平昔少爲作詩而別云當時每恨花開早及看花開花已老花開花落能幾何回頭又見春元好語且誠明書見夢之詩白於真常真常歎曰子正仙矣聞者異之先生性恬澹無機構廉潔真介與人交悉待之以誠聞有道行者雖窮居陋巷必親之嗜讀書作文尤長於詩其古詩雖淡有陶韋之風焉

張介字介甫平州人正大元年經義進士第一爲國用安參議用安表請用安幸山東上以其言示宰臣宰臣奏用安反復本無匡復志此必參議張介等爲之業已遷蔡議

遂寢

金史附國用安傳案中州集作彭城人歷鞏毅三縣幼日賦聲爲人有蘊藉嘗贈詩、賜叔能末章云我貧自救如沃焦君來過我亦何聊爲君欲寫貧士歎才思殊減荒村謠楊初以荒村謠得名似云

明

劉景周字憲之號鳴岐廩生幼穎異篤孝行性沈默博研今古教子義方後粹夢緋衣奉詔內記一聯云玉碎白猶在松枯節更堅未百日卒年五十四著易義心解三卷詩

文諸稿存於家

張詩字子言別號崑崙山人李氏子十歲避僉丁隨父母逃京師衡州同知張公抱以爲子張歿後訪盧龍得諸從兄弟哭諸祖父墓衡州卒乏嗣仍子之初學舉子業於呂枏繼學詩文於何景明聲名藉藉長安會府試士士當自負幾入試詩使其家童代之試官不許遂拂衣出一意爲詩徧遊天下名勝與儲名人倡和時稱燕山豪士至汝南視何景明疾守七月景明卒還北平所居一畝之宅擇隙地種竹每遇風雨飄灑披襟流盼相對欣然命酌杭守李士行稱其不狂不屈不惰不驕春風不足融其情醇醪不足味其况爲文雄奇變怪覽者不敢以今人待之著有罵鬼詰髮笑琳七子等文善行草得旭顛素師遺意岳氏兩華編以崑崙爲首云

清

薛國琮字魯直乾隆乙卯科舉人由遵化州訓導陞山西樂平縣知縣因事謫戍伊犁放歸卒於家所著有伊江百詠

溫如玉字尹亮號廉圃乾隆甲子聯捷進士由翰林院檢討授山西道監察御史癸酉

充廣西正主考陞禮科給事中轉刑科掌印給事中乙亥乙卯提湖南北學政甲申巡視山東漕務旋以病乞假歸父德厚慷慨有大志薄遊淮上入賞爲郎繼娶於淮生二子次子如暄終國學生長即尹亭也天性孝友髫齡就傳日誦千言老生宿儒咸目爲奇器弱冠回籍應童子試冠其軍後屢掌文衡所拔尤多卓犖之士歷官清要廉潔自持帝眷方隆因疾引退以永平爲孤竹遺墟有廉讓風遂家焉藏書萬卷著有靜淵齋詩存行世

李文沛字南豐乾隆丁卯科舉人家貧勤學少時讀書無膏火資每然香以代遇塾師爲徒講論於旁竊聽塾師異而教之勤苦倍於諸弟子數年捷於鄉仕爲深州學官晚年應試欽賜翰林院檢討

李美諸生生而篤厚孝友性成家素貧而刻苦於學性尤喜詩凡一郡之山川名勝盡入詩筒晚年貢於鄉旅食桃林徐流諸塞而往來風雪驢背推敲託興仍自不淺學者號爲樂吟先生所著有清華堂詩鈔

王仲默原灤州人明崇禎十六年隨父構占籍盧龍見畿輔通志永平志灤志各文廟

傳通志內有感悼詩三首今錄之

劍解雙龍記玉樓 繁華如夢水東流 年來鶴返家山路
禿樹殘松共語愁 月上孤城鬼火青 吟魂聯臂集荒亭

東風寒食梨花下 應笑天涯夢未醒 骨委黃沙哭暮鴉
北邙開遍杜鵑花 雍門兩袖龍鍾淚 灑向東陵五色瓜

王采珊字海樵光緒丁酉科舉人食廩餼時曾作李廣廟碑文頗爲教諭朱佩青見賞

文云山西出將固多應運而生塞北從軍豈曰成功者退苟依長城於萬里定陳俎豆於千秋以故書於太常祭於太蒸者國家報功之典也畫於丹青銘於鐘鼎者後世崇德之條也若乃虎能食肉生不封侯豹欲留皮死猶對簿如漢李將軍者良可慨已將軍天上星精隴西人望遠承先世佐秦之烈生當匈奴寇漢之年挽南石弓神通遠學萬人敵胸有甲兵男兒有志四方丈夫立功異域縱或時非高祖萬戶難圖自能名震羌胡千人立廢孝文十四年以良家子從軍擊胡陰山踏脚弱冠請纓均服振勇可習也戎容暨暨望之威如始則善射蕭關位居常寺繼且顯名昌邑印佩將軍從來禦侮以折衝每見出奇而制勝觀其文書自省刀斗何嚴作壁上觀勁敵之射鵬生得探囊底智胡兒之善馬暫騰由是肉號飛仙人稱著翅月照營而龍堆秣馬雲迎陣而魚海洗兵遂窮寇而狐尾低頭草降書而羊皮紙盡唐王創霸七十載竭力經營李牧鎮邊十餘年強胡懾服此其功在社稷利在生民固宜天子酬庸百里荷分茅之典功臣繪像九泉膺褒謚之尊也而乃數以奇而不偶相繼貴而空談射獵南山霸陵呵止失軍東道長史吹求遂使地起愁雲天飛冤雪赤星隕石碧血流河負虎頭燕領之奇蟬飛飲劍建應建雞川之烈烏盡藏弓是豈真三代相仍道家所忌在爲將寸功莫立將軍之恨在殺降也乎然而行人爭附擬桃李之成蹊溜涕歸懷如嬰兒之投母一時怨憤千古英靈人有同心誠能動物况乎永平舊屬遼西之郡將軍會拜太守之官夷考其時韓安國敗勦於箭右北平承乏於後人情瓦解誰爲餘燼之取敵勢山排難作嬰城之守公則旗折更進軍孤轉先奮臂長呼瘡痍盡起揚眉遠矚燧能清馳單騎而說降身都是胆築壘門而備敵患不憂難遂乃薄休屠之營奪單于之壘脫車師之帽翠呼韓之庭當年白草黃沙胥成樂土從此塞花邊柳即是甘棠公之盛也民之福也方今關山萬里胡越一家虎石尋幽話前朝之故事龍城弔古仰上將之威名爰仿樂公立杜之文乃作朱邑祠鄉之祭縱使神歸華表悵人民城郭之已非庶幾幾淚墮豐碑見屍祝謳思之未已

又塞上曲云黃沙兼白草馬鳴風蕭蕭古道少行人中天月寂寥當年鑿險長城窟秦皇漢武勤征伐畫角一聲天地哀萬里戰塲拋白骨將軍連年聽鼓聲深閨夜夜夢遼西愁殺江南春草綠鸛鳴啼罷杜鵑啼捷書已奏天山遠屯戍依然重開塞將

軍受賞盡封侯多少兒童魂不返而今胡越本一家散
羣懷植同書車憑高遠眺盧龍塞煙樹蒼茫噪暮鴉

伎術

安永全郡城沙河人生於乾隆四十年於道光末年幼習梓人業精巧絕倫嘗以長鑄破西瓜子其法置西瓜子於地跣其足以將指踏定執長鑄破之瓜子開而足指不傷百試不失此真與郢匠之運斤成風者同巧矣

鄭重壽諸生鄭漢弼長子生於雍正五年府城上水關人也幼讀書有巧思後以家貧入都學銀匠藝既成名動京師嘗爲扁鋌銀釧上分鐫二十四孝鬚眉畢具喜慍如生乾隆時宮中爭購之其他首飾亦價增十倍家計因而小康

著述

明

韓鵬南詩文集八卷 奏疏二卷 尺牘四卷 六壬指掌二卷 韓原善繼之撰

崑崙山人集 張詩子言撰

易義心解三卷 劉景周憲之撰

拾燼集 憫遺集 廖自顯德潛撰

忠國論 韓原洞開之撰

清

撫江集 督漕奏議 蔡士英伯諺撰

籌滇善後十疏 蔡毓榮仁庵撰

甯陽政略公餘錄 李本潔澄庵撰

洪雅公詩存 豈惟納敏公撰

守素堂詩集 蔡挺若璞撰

清華堂詩鈔

李美純之撰

止園詩話純之家貧好學尤耽吟詠人稱樂吟先生

伊江雜詠 薛國琮魯直撰

楚遊草 蔣第次竹撰

羅村遺稿 辛大成展亭撰

六正心聲詩集 溫序斌石坡撰

梅學博成棟序云其春陰即事句云一瓢安陋巷五斗謝華簪適意應多趣居山不在深此四言足以盡先生之平生亦可謂工於寫照者矣 止園詩話詩

不矜格調而機趣盎然合拍高魚侯方偉題其卷云論超由卓識語妙見高才不費經營處都從閱歷來頗能道其勞髡

悟雪堂詩草 馬宗沂春隄撰

蘊真軒小草

蔡琬季玉撰

沈歸愚別裁集云夫人無書不讀諳於政治文良奏疏移檄等項每與商酌定稿閨中良友也詩集無可覓於選本中錄取四章皆擲地有聲者

袁簡齋隨園詩話云夫人生而明艷嫺雅能詩高文良公巡撫蘇州與總督某不合屢爲所傾而公卓然孤立詠白燕第五句云有色何曾相假借沈思未對適夫人至代握筆曰不羣仍恐太分明蓋規之也詩記不傳記其詠九華峯云云此爲其父平

吳逆後獲各歸空門而作也

西陲事略 蘊真詩草 曠遊隨筆 李雲麟撰

民國

中華民國省區全誌全部八冊地文之部全一冊中國人文地理全一冊地理哲學全一冊新建設時代初中中地教本全二冊新建設時代初中世界地理教本二冊高中世界地理教本二冊京直綏察熱誌魯豫晉誌滿洲三省誌秦隴羌蜀誌鄂湘贛誌各一冊最初物質建設精解二冊均白眉初著

中國國恥圖全一幅蒙古詳圖一幅中國地理教授掛圖共二十五幅中華民國建設全圖一冊三十二幅河北省分縣詳圖一幅最新北平全市詳圖一幅中華民國改造

全圖一冊中華民國詳細大掛圖一幅均白眉初繪

金石

舊府學明倫堂壁間石刻永平府十二景絕句係崇禎元年立冬日黔陽備兵永平郡
守閩中陳所立題筆畫蒼古惜堂已折毀石暴露於風日中字跡模糊茲錄於下

漆灤帶玉 巨浸交流豈世情泠泠漱玉繞孤城淳泓瑩澈芳祠下直到滄溟萬古清
陽臺列屏 萬壑千崖列作屏胡塵隔斷杳然青射飛校尉多乘障雁度峰頭不敢停
盧龍蹟古 盧龍古塞傍燕臺黑水遙從口外來肯使北平銷俠氣沉淪瀚海作凡材
石虎名高 荒沼於菟未易尋彎弧寧致鏃痕深將軍未必皆猿臂要使人持射虎心
孤竹風清 基留故國澤偏長玉瘞荒山骨自香夜宿層臺朝薦芷惟來魂夢亦清涼
釣臺月白 一著羊裘動客星非熊感遇亦無情臨流莫學任公子月白江空負釣名
仙臺氣爽 縹緲高臺望不迷仙人坐隱亦忘機當頭急著休教挫世事原來此局棋
都山望雪 祁連絕處總燕支到此回看北斗低六月山頭猶戴雪罡風吹落薊門西
碣石聞鷄 砥柱東溟碣石開黃河萬里直西來天鷄解喚扶桑日起舞何人是異才

溟海波澄·勾奴右臂斷來難犄角東方露布寒可恠乘槎張博望單于不斬是樓蘭
偏涼汀趣 處處歊蒸此獨涼波光萬頃接滄浪澄潭千尺驪龍臥願借甘霖徧八荒
崆嶺洞奇 鴻濛窳鑿混沌死神斧何年泣鬼工上徹天門下地肺靈源一線本來通
又明倫堂西偏有鐘上鑄遷安林河社勝水寺鐘字樣傳是清初時一夕爲大風攝至
遂懸之爲宣講之用欸識云重六百觔天順四年造

銅壺滴漏共四具圓形如柱者二方如盆盂者二均古銅質不知創自何年亦不知其
用法確遠代古物也民國十七年經東北陸軍第十一軍富軍長帶去物之遷徙殆亦
有數欸

盧龍縣志卷二十三

故事 史事 軼聞

史事

虞

舜肇十有二州以冀堯地廣始分冀東恒山之地爲并州其東北醫無閭之地爲幽州

又分青之東北遼東等處爲營州

陸氏釋文曰十有二州謂冀堯青徐荆揚豫梁雍并幽營也時舜以冀青地廣始分衡水西北爲并州燕以北爲幽州青州東北跨海爲營州

商

湯十有八祀三月壬至東郊立禹後及古聖賢有功者之後封孤竹等國各有差

綱鑑

周

惠王十有三年

齊桓公二十三年

山戎伐燕燕告急於齊齊桓公救燕遂伐山戎至於孤竹而還

史記齊世家園國語載桓公之言曰寡人北伐山戎割令支斬孤竹而南歸濱海諸侯莫不來服

漢

武帝元朔元年秋匈奴入遼西殺太守

漢書本紀園漢書匈奴傳匈奴二萬騎入漢殺遼西太守略二千餘人又敗漁陽太守軍千餘人圍將軍安國韓安國傳安國爲材官將軍屯

漁陽捕生口虜言匈奴遠去即上言方佃作時請且罷屯罷屯月餘匈奴大入上谷漁陽安國壁乃有七百餘人出與戰安國傷入壁匈奴虜略千餘人及畜產去上怒使使責讓安國徙益東屯右北平

五年春令大行李恩岸頭侯張次公爲將軍出右北平擊匈奴史記霍去病傳

元狩二年夏匈奴入鴈門遣衛尉張騫郎中令李廣皆出右北平廣殺匈奴三千餘人

盡亡其軍漢書本紀

三年匈奴入右北平殺略千餘人漢書本紀

四年春驃騎將軍霍去病出右北平二千餘里擊匈奴所斬捕功多上以五千八百戶

益封驃騎將軍右北平太守路博德等四人爲列侯漢書霍去病傳

太初二年帝擊破匈奴左地徙烏桓於上谷漁陽右北平遼西遼東五郡塞外偵察匈奴

動靜於是始置護烏桓校尉漢書本紀案後漢書所載有遼東烏桓右北平烏桓漁陽烏桓上谷烏桓之別而鮮卑亦復有遼東遼西等名則漠南之地其疆圍分合雖不可考要其爲二部之錯居

也久矣

後漢

光武帝建武元年夏遣耿弇與吳漢景丹等十三將軍追賊至潞東及平谷斬首萬三

千餘級遂窮追於右北平無終土垠之間至浚靡而還後漢書耿弇傳圖註云浚靡縣名屬右北平故城在今漁陽縣北

二十五年春正月遼東徼外貊人寇右北平遼東太守祭彤招降之

後漢書本紀圖東夷傳二十五年寇右北平者即句

也驪是歲遼西烏桓大人郝旦第九百二十二二人詣闕朝貢封其渠帥為侯王君長者八

十一人皆居塞內布於緣邊諸郡

烏桓傳

和帝永元九年秋八月鮮卑寇肥如

後漢書本紀圖註云肥如縣屬遼西郡前書音義曰肥子奔燕封於此今平州也

元興元年遼東貊人反鈔六縣發上谷漁陽右北平遼西烏桓兵討之

後漢書天文志

元初四年春二月己巳鮮卑寇遼西遼西郡兵與烏桓擊破之

後漢書本紀圖註云遼西郡故城在今平州東陽樂城是又案後漢

書鮮卑傳元初四年遼西鮮卑連休等燒塞門寇百姓

永寧元年冬十二月遼西鮮卑降

後漢書本紀案後漢書鮮卑傳永寧元年遼西鮮卑大人烏倫其至鞬率衆詣鄯道降奉貢獻詔封烏倫為率衆王其至鞬為率衆侯建光元年秋其至鞬復

叛累殺郡守控弦數萬騎後其至鞬死鮮卑抄盜差稀

桓帝延熹九年夏六月南匈奴及烏桓鮮卑寇緣邊九郡

後漢書本紀圖鮮卑傳云桓帝時鮮卑檀石槐者勇健有智略部落畏服自分其地

為三部從右北平以東至遼東接扶餘濊貊二十餘邑為東部從右北平以西上谷十餘邑為中部從上谷以西至熒煌烏孫二十餘邑為西部各置大人主領之

靈帝熹平六年冬十二月鮮卑寇遼西

後漢書本紀圖烏桓傳靈帝初烏桓大人遼西有邱力居者衆五千餘落自稱王右北平烏延衆八百餘落自稱汗魯王並勇健而多計策

中平四年夏六月漁陽人張純與同郡張舉舉兵叛攻殺右北平太守劉政等衆至十

餘萬屯肥如

後漢書本紀及劉虞傳國為桓傳中平四年前中山太守張純辟入邱力居衆中自稱彌天安定王遂為諸郡烏桓元帥寇掠青徐幽冀四州

五年冬十一月公孫瓚與張純戰於石門大破之瓚深入無繼反為邱力居等所圍於

遼西管子城二百餘日士卒死者十有五六虜亦饑困遠走柳城

後漢書本紀及公孫瓚傳案公孫瓚傳註石門山名在今營州

柳城西南

建安十年春袁熙袁尚為其將焦觸張南所攻奔遼西烏桓

後漢書袁紹傳

十二年秋八月曹操征遼西擊烏桓大破蹋頓於柳城斬之袁尚袁熙與樓班烏延等

皆奔遼東遼東太守公孫康並斬送之其餘衆萬餘落悉徙居中國

後漢書本紀及袁紹傳烏桓傳本紀註云蹋頓匈奴

王號國後漢書烏桓傳獻帝初平中邱力居死子樓班年少從子蹋頓有武畧代立總攝三郡謂遼西烏桓右北平烏桓遼東屬國烏桓衆皆從其號令建安初冀州牧袁紹與前將軍公孫瓚相持不決蹋頓遣使詣紹求和親遂遣兵助擊又圍三國志

魏武帝紀三郡烏丸承天下亂破幽州略有漢民合十餘萬戶袁紹皆立其酋豪為單于以家人子為己女妻焉遼西單于蹋頓尤強為紹所厚故尚兄弟歸之烏丸即烏桓

魏

明帝景初元年秋七月公孫淵反幽州刺史母邱儉進軍討之右北平烏丸單于寇婁

敦遼西烏丸都督王護留等居遼東率部衆隨儉內附

三國志魏志

二年春正月詔太尉司馬懿帥衆討遼東

三國志魏志

進師經孤竹越碣石次於遼水

晉書宣帝紀

晉

武帝太康二年冬十一月鮮卑寇遼西平州刺史鮮于嬰討破之

晉書本紀

五年慕容廆入寇遼西帝遣幽州諸軍討之戰於肥如廆衆大敗

十六國春秋前燕錄卷十六國志作六年誤

惠帝太安二年冬十一月封鮮卑段務勿廆爲遼西公

晉本紀國魏書徒河段就六眷本出於遼西其伯祖曰陸眷因亂被賣爲漁陽烏丸太庫儼官

家奴其後漁陽大饑庫儼官以曰陸眷爲健使將之詣遼西逐食招誘亡叛遂至疆盛曰陸眷死弟乞珍代立乞珍死子務目塵代立即就六眷父也據有遼西之地而臣於晉其所統三萬餘家控弦上馬四五萬騎昔穆帝幽州刺史王浚以段氏數爲已用深德之乃表封務目塵爲遼西公假大單于印受○目塵即勿廆魏書作穆帝時與晉書異應誤

東晉

元帝大興元年春正月遼西公疾陸眷卒其子幼叔父截附眞自立爲單于

晉本紀

成帝咸康四年

後趙建武四年

春正月石虎伐鮮卑段遼於遼西遼率妻子宗族豪大千餘家棄

令支奔密雲山虎入令支遷其戶二萬餘於司竟雍豫四州士大夫之有才行者皆擢

敘之夏四月虎謀伐昌黎遣渡遼將軍曹伏將青州之衆渡海戍蹋頓城無水而還因

戍於海島運穀三百萬斛以給之又以船二百艘運穀三十萬斛詣高句驪使典農中

郎將王典率衆萬餘屯田海濱掠緣海諸縣

後趙錄國前燕錄是年正月趙遣都尉趙鑾如趙請聽師期虎將鑾段遼募曉男者三萬餘人悉拜龍騰中郎帥舟師十萬步

騎七萬伐之三月趙擊還至棘城虢引兵攻掠令支以北諸城段遼遣弟蘭來拒大戰敗之斬級數千掠五千餘戶及畜產萬計以歸五月虎入令支怒虢之不會師先攻段遼而自專其利帥衆來伐蘭魏書作鬱蘭

五年後趙建武五年夏四月燕遣別將攻遼西俘獲數千家而去冬十月以撫軍將軍李農爲使

持節監遼西北平諸軍事征東將軍營州牧鎮令支虎以遼西近燕境數遭攻襲乃徙

其民於冀州之南後趙錄

六年後趙建武六年春二月虎將石成與慕容皝戰於遼西大敗引歸秋九月虎將討慕容皝命

司冀青徐幽并雍七州兼復之家五丁取三四丁取二合鄴城舊軍滿五十萬具船萬

艘自河通海運穀千一百萬斛於樂安城即今樂亭縣以供軍征之用徙遼西北平漁陽萬餘

戶於兗豫雍洛四州之地自幽州以東至白狼大興屯田括取民馬得四萬餘匹大閱

於曜武場冬十月虢入自蠡蠡塞戍將當道者皆斬之後趙錄

穆帝永和六年燕僞二年燕王僞使慕容霸將兵二萬自東道出徒河在今錦縣西北慕輿干自西道

出蠡蠡蠡蠡即今庸之轉音在今昌平州僞自中道出盧龍塞即潘家口在今遷安縣三道並進伐趙霸軍至三陘魏書海陽縣有橫山

蓋即三陘之地趙征東將軍鄧恆焚倉庫棄安樂遁去南部都尉孫泳入城撲滅餘火藉其穀帛

霸收安樂北平兵糧與僞會於臨渠前燕錄臨渠今三河縣地圖漢書地理志安樂縣屬漁陽郡樂安縣屬千乘郡鄧恒屯兵之所後趙錄作安樂前燕錄作樂安就三陘之地論之當以安